

Sabino, *k*) libertatem videlicet sibi retinens sentiendi, quod sibi cum ratione conveniens videretur, & dissentiendi a quocunque, etiam a Præceptoribus suis, etiam ab Imperatoribus, *l*) sed modeste tamen, unde potissimum, dum ab Ulpiano dissentit, eum non nominat, sed voce *quidam*, vel *ille m*) &c. utitur, quin imo non dissimulat, sed ingenue fatetur, ubi vel advocando, *n*) vel sententiam ferendo *o*) succubuerit, ubique laudabili instituto, unde & ab Imperatoribus magni habitus, ac variis officiis decoratus fuit, ejusque communiter a Scriptoribus honorifica injicitur mentio. *p*)

- a) l. 1. obs. 6. pag. m. 12. b) l. illud 40. ff. de heredit. petit.
 c) l. si finita 15. §. illud. 32. ff. de damn. inf. d) l. cum quis 31. de dolo malo. e) l. si colonus ff. de A. & A. P. f) l. 40. ff. eod.
 g) l. 3. §. 8. & 9. h) d. l. 1. obs. 7. i) l. 11. §. 1. de reb. cred. k) l. 2. §. 2. pro emtore. l) Bertrandus. Henelius, Eberlinus dd. ll.
 m) vid. dd. Autores dd. ll. n) vid. l. 78. §. 6. de legat. 3. & Henel. d. l. p. 152. seqq. o) l. 97. de acq. hered. ubi secundum Papinianum pronuntiavit Imperator. p) vidi dd. Autores dd. ll.

§. VI.

Graviter tamen ab Hottomanno *a*) increpatur, dum eum hominem Græcum, *b*) litigiosum, natura controversum & hostem antiquis Jctis nominat, quæ increpatio an ex meritis causæ fuerit, quam ibidem tractat Hottomannus, ipse viderit. Nævis quibusdam laborasse Paulum, non est negandum, interque eos non minimum fuisse studium contradicendi nimium, sæpius affectibus magis suffultum, quam rationibus prægnantibus. Omnino enim ex diligenti trutinazione centonum, quos nobis in Pandectis reliquit non magnopere laudabilis Triboniani diligentia, cuius patebit, maximam æmulationem inter Paulum & ejus commilitonem Ulpianum fuisse, quæ in tantum aluit studium a se invicem dissentendi, ut fere pignoribus pretii non contemnendi cer-

B

tare